

خزانه محاکمه

بازار ايرتسی

نومرو	ربيع الاخر	سنه	تشرين ثانی	سنه	صفحه
۵۲۳	۱۵	۱۳۰۷	۲۷	۱۳۰۵	۶۲۸۷

(اشبو غزته بهر هفته جمعه ايرتسی کونلری چيقار . سته لکی درسعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخه سی ینه مجیدیه یکر می غروش اولق اوزره یوز باره یه هر یر ده صاتیاور . درج اولنه جق)
 (اعلانامک هر برندن بر مجیدیه اخذ اولنور . سنه لکنه مشتری اولق استیانلر عدلیه نظا رقی)
 (دائره سنده کائن جریده محاکم اداره سنه مراجعت ایلملیدر)

یوزفاد مدعی عمومی معاونلکی ملغا انقره
 تجارت محکمه سی رئیس سابق عزتلو احسان
 بکه توجیه پوراشدر .

قسم رسمی

توجیهات

قسم غیر رسمی

(موسی بکک او چنجی محاکمه سندن)
 (مابعد)

قره سی سنجافی بدایت محکمه سی جزا
 دائره سی ریاستی یوزفاد مدعی عمومی معاونی
 حمین حسنی افندی به

در تتمدن طلب ایتدیک بوش غروشی الوب المدیغی
و موسم شتاده خرمن بولنیه جغی کبی در تتمدن خرمنده
اولدیغی نصورتله خبرالهرق اورایه کتمش اولدیغی
و مالخاصک برابرنده بولندقرینی بیان ایتدیک ایکی کشینک
کیلر ایدوکی و موسی بک خرمنه کندولرندن اولی
ویا صکره می کلش اولدیغی و موسی بک طور دیغی
چقور خرمنک هانکی جهننده و کندو بولندقری
نقطه دن تقدراوزاقده بولندیغی و کندوسی موسی
بک دعوتی اوزرینه نرملره کتمش و مالخاصک
خانه سنه کیدر ایکن برابرنده کیسه بولنوب بولنماش
اولدیغی و مرقوم مالخاصک ساعت قاجده دفن
ایدلیکی و مدافعه و کیلرندن عزت افندینک افاده
سی اوزرینه دخی مالخاصک بولندیغی محل ایله کوی
بسنده تقدیر مسافه بولندیغی و او کویده کندوسندن
بشقه قاج پاپاس اولوب جنازه ده هانکیلرینک
حاضر ایدوکی و استانبوله نصورتله کلدیکی و کویلیر
مالخاصک مجروحیتینه واسطه ایله خبر
الهرق کتورمک اوزرینه کتدکلی
و موسی بک چقوره کلدیکی زمان برابرنده
رفیق و حیوانی اولوب اولدیغی و موسی
بک طرفندن وقوعبولان دعوت اوزرینه مالخاصک
خانه سنه کتدیک زمان جنازه می هانکی او طه ده

ونه وضعینده بولدیغی و دیگر وکیل محمد علی
افندینک طلبه مینی دخی مالخاصک کیفیت وفاتی
حکومتدن خبرالندیغی زمان اوغلی اوسبدن بشقه سنک
جلب ایدیلوب ایدلماش اولدیغی مرقوم پاپاس
قصیر افندیدن صورلدقه زمان وقعه ده هوانک
بلوطلی و یادومانی اولوب اولدیغی مرور زمان
حسیله تخطر ایده مامکده اولدیغی و مالخاصک
اورلدیغی محل ایله موسی بک بولندیغی چقور
اره سنده درت بش دقیقه مسافه اولوب مالخاص
ایلره رفیقینی کلورلر ایکن طایفه مدیغی و موسی بک
طرفندن مالخاصک اوغلی اوسبه ویریلان قزک
اسمنی و مالخاصک حین مجروحیتنده یانده اولان
رفیقینی بیلدیکنی و زمان وقعه ده موسم قیش
اولوب یرده قار بولندیغندن دأثره استنطاقده
دخی بویوله بیان حال ایش ایدوکی و در تتمدن
طلب ایتدیک بوش غروشی الوب المدیغی در خاطر
ایده مدیکنی و خرمن ایچون تخصیص ایدیلان محله
دأما خرمن تعبیر ایدلکده اولوب مذکور بش
غروشی طلب ایتک اوزره پاپاس در تتمدن
خانه سنه کتدیکنده خرمنده اولدیغی خبر المغله
کندوسی دخی کیدرک مرقومی اوراده بولدیغی
و کندوسی خرمنه کیدوب در تتمدن بولشدقدن صکره
موسی بک ورود ایش و کیدرکی چقور خرمنک

او کنده و بولندقری نقطه دن اون اون بش خطوه
اوزاقده اولوب چقورک عمق ایسه برارشون
قدر ایدوکی و مذکور خرمنده بری پاپاس در تتمدن
و دیگر بشقه برکشیشک اولق اوزره ایکی
صمانلق اولهرق کندولری مرقوم در تتمدن
صمانلغی یانده طورمش ایسه لده مذکور صما
نقلرک قیولرینک هانکی جهننده بولندیغی خاطر
لیه مدیغی و کندوسی موسی بک طرفندن یالکز
مالخاصک خانه سنه چاغیرلش اولوب برابرنده
ایسه کیسه بولندیغی و وقعه نک فرداسی مالخاصی
کونشک طلوعی عقبسنده دفن ایش اولدقرینی
و مالخاصک مجروح اولدیغی محل ایله قریه بپنده
بش دقیقه قدر مسافه بولندیغی و کویده کندوسیله
در تتمدن بشقه قاپریل و ماطوس اسمنده ایکی کشیش
دها اولوب جنازه ده چله سی بولنش ایدوکلرینی
و مصارف راهیه و سائره سی قاش خاتون طرفندن
تسویه ایدلک صورتیه استانبوله کلش اولدیغی
و کویلیر مالخاصک مجروحیتینه مشاهده ایش
اوللریله کتورمک اوزره کتمش اولدقرینی
و موسی بک چقوره کلدیکی زمان یا اولوب برابرنده
دخی کیسه بولندیغی و مالخاصک خانه سی ذاتاً
بر او طه دن عبارت اولوب موسی بک طرفندن
وقوعبولان دعوت اوزرینه کتدیک زمان مالخا

صک چسدینی مذکور او طه ده و یکده اوزرنده
کوردیکنی و مالخاصک کیفیت وفاتی حکومتدن
خبرالندیغی زمان اوغلی اوسبدن بشقه برکیسه نک
جلب ایدیلوب ایدلکیدن معلوماتی اولدیغی
و دیگر شاهد پاپاس در تتمدن افندی دخی برکون
صمانلقدن صمان چیقارمق اوزره خرمنه کتید
یکنده پاپاس قصبه ساره بالتصادف مرقوم ایله
قونشمده اولدقری صروده متهم موسی بک
کلوب کندولرینی یکهرک صمانلغک ارقه سنده کی
چقوره کیروب بدنده بولنسان تفنکی دکرمان
جهننه طوغری طوته رقی او طرفندن کلکده اولان
برقاج کیشیدن برینی جرح ایتکله کندولری
عجبا اوریلان شخص اسلامیدر ارمنییدر دیدکلر
نده موسی بک سکوت ایتلرینی تنیه ایش اولد
یغنی و بونک اوزرینه کویلیر کیدوب دکرمانچی
مالخاصی مجروح اولهرق کتوردکدن بر ساعت
صکره مرقوم خانه سنده وفات ایتدیکنی و ابررسی
کونی موسی بک کندوسی چاغرتهرق مالخاصک
دفنی تکلیف ایتکله حکومته معلومات ویرمکسن
ین بوکا موافقت ایده میسه جکلرینی بیان ایش
ایسه لده سنزیده بویله یاپارم دیه تهدید ایتدیکندن
بالمجوریه مرقومی دفن ایش اولدقرینی و مرقوم
مالخاص دفن ایدلدکدن صکره موسی بک مرقومک

اوغلی اوسبی چا غیره رق کندوسی دخی حاضر
اولدینی حالد شکایت ایتامستی بالنبیه کیتدیکنی
وبرمدت صکره موسی بک مرقوم اوسبی کویته
کتوروب برارمنی قزی و برمش و اخیراً مالخاصک
کیفیت وفاقی موش حکومتجه خبرالندیغی
وبوندن طولابی اوسب جلب ایلدیکنی جهته
موسى بک مرقومى برابرده موشه کتورمش
ایسهده نتیجه سندن معلوماتی اولدینیغی والدی
السؤال مالخاصک مجروحیتک فردامی موسی
بک کندوسی ابتدا مارديروسک خانه سنه چاغیرتوب
اورادن مالخاصک اوینه کیدیلرک مرقومک
جسدینی اوطدهده و حصر اوزرنده اولدینیغی
وصاغ بیضاغک قاصیغه یقین محندن مجروح
بولدینیغی حالد کوروب قورشون ایچ طرفندن
دخول ایله خارجندن چیمش ایدوکنی وموسى
بک کیردیکنی چتور صمانلک ارقه سنده ایسهده
بولدقلى موقعدن کوريله بیلور ایدوکنی و مر-
قومک یاره سنی کندوسی بالذات مشاهده ایتش
اولوب فقط پاپاس قصبار افندیك کوروب
کورمدیکنی بیلدیکنی ومرقوم قصبار افندیی
مالخاصک خانه سنه کلدیکنی زمان کوردیکنی
ومدعی عموی موسی الیهک طلبی اوزرینه دأره
استظافده مارديروسک خانه سنه موسی بک

دعوتنه مبنی پاپاس قصبار افندی ایله برابر
کیتدکربنی سوبلدیکنی و حتی مرقوم قصبار افندیك
کندوسی تکذیبه قاقشمسی اوزرینه مذکور
افاده سنده اصرار دخی یلدیکنی حالد بوجهی
شمدی او افاده سنه مباین اوله رق بیان ایتش
اولدیندن نه دیه چکی و مالخاصک اولدینی محل
ایله موسی بک کیردیکنی چتور بیننده تقدیر مسافه
بولدینیغی و مالخاص ایله یاننده کیلری کلورلر ایکن
تشخیص ایدوب ایدم مدیکنی و پاپاس قصبار افندیك
طلب ایتدیکنی بش غروشی و یروب و یرمدیکنی
وموسى بک طرفندن مالخاصک اوغلنه و یریلان
قزک نکاهنده حاضر بولنوب بولندیغی واسمک
نه ایدوکی وجنازه نك ساعت قاجده دفن اولدینیغی
وخرمنده موسی بکی کوردکاری صرهده موسی
الیهک کندولریله اشنالی ایدوب ایتدیکنی وصما-
نلک قپوسی خرمک هانکی جهتنده اولوب
کندولریك نه طرفده طورمقده اولدقلى و مار-
ديروسک خانه سنه موسی بک طرفندن قاج دفعه
ونه زمانلرده چاغیرلمش ایدوکی ومدافعه وکیلارندن
عزت افندیك طلبی اوزرینه دخی مجروحیتندن
صکره مالخاصی کتورمک اوزره کیلر کیتش
ونه صورتله خبر المش اولدقلى شاهد پاپاس
درتمت افندیك صورلدقده موسی بک کندوسی

مارديروسک خانه سنه چاغرمسی ایکی دفعه وقوع
بولوب بری دفنی نبیه و دیگرى دخی شکایت
ایتامسی ایچون مالخاصک اوغلی اوسبی تهید
ایچون اولدینیغی و بو ایکی دفعه سنده دخی دیگر
شاهد قصبار افندیك کندوسیله برلکده بولنوب
بولندیغی شمدی درخاطر ایدم مامکده اولدینیغی
و مالخاصک اولدینیغی محل ایله موسی بک کیرد-
یکنی چتور بیننده یوز الی خطوه قدر مسافه
اولوب مالخاصی ارقه سنده بولنان اسکی عبادن
تشخیص ایدم بیلش ایسهده رفیقلى افشام اولسی
ودومان دخی بولتمی حسیه طایفه مدینی و پاپاس
قصبار افندیك طلب ایتدیکنی بش غروشی بعد
الوقعه خانه سنه کلوب اوراده و یردیکنی وموسى
بک طرفندن مالخاصک اوغلنه و یریلان قزک
عقدی کندو کویلى کلیسایسنده اجرا ایدلمش
واو صرهده کندوسی دخی حاضر بولتمش ایسهده
مز بودنک اسمنی بیلدیکنی ومتوفی مالخاص مجروح
حیتک فردامی ساعت ایکیده دفن ایدلمش اولدینیغی
وخرمانده بولندقلى صرهده متهم موسی بک
کندولرندن بش آدم قدر ایلرودن کچرک چتوره

کیرمش فقط کندولرینه اشنالی ایتامش بولندیغی
وصمانلک قپوسی دکرمانه کیدن پول اوزرنده
اولوب کندولری اوراده طورمقده ایدکن
موسى بک کچدیکنی کورمربله سببی الکلامی
اوزره ارقه سندن کیدرک چتور دن بش آدم
کیروده بالتوقف نتیجه حاله منتظر اولدقلى
وزمان وقعهده کویلبلر طام اوزرنده بولندقلى
جهته وقعه بی مشاهده ایدرک بعدالوقعه مالخاصی
کتورمک اوزره کیتدکربنی بیان ایلدیلر دکرمانجی
مالخاصک اوغلی اوسبک موش مدعی عموی معاو
نلکته و برمش اولدینیغی قی ۱۷ مارت سنه ۳۰۴
تاریخی استدا ایله اوراجه برنجی و یکنجی
دفعه اوله رق ضبط ایدلمش اولان افاده لوی و کشیش
قایل امضالی اخبارنامه قرائت ایتدیرلکده
بولردن اخبارنامه مالی عم زاده سی دکرمانجی
مالخاصک اون بش کون اول وفات ایتدیکنی
وبیباغندن اورلمش ایسهده تفنک صداسی
ایشیدلماش اولوب صائقه اصابت ایتدیکنی سوزی
بین الاهالی دوران ایتکده بولندیغی واسمدا
مفادی دخی پدری دکرمانجی مالخاص رسنه
مقدم اجل موعودیه وفات ایتش اولدینیغی حالد

اصحاب اغراض طرفلندن مرقومك مقتولا وفات
ايتديكى بيسان ايدىلوب كيفيت قتل دخی موسى بکه
امناد ايدىلکده ايسهده بى اساس اولديغندن نظر
اعتباره انعامسىنى ورنجى افاده مندرجانی دخی
پدرى مالخاصك سبب وفاتنى يله ميبوب انجق
يچاغنده ياره اثرى كورمش ايسهده طبيه مراجعت
ايدىلک درجدهه حاز اهيبت اولديغنى و پدرى
مرقوم التمش ياشنده اختيار اولغله برابر برسنه
دنبرو ستمه علتمه مبتلا اولوب دائماً كیفى لکله
وقت پکورمکده بولنديغنى و برکون دکرماندن
کاور ايکن جرح ايدمش اولديغنى خبر و يرمش
ايسهده جارحنك کيم اولديغنى سولنامش ايدوکنى
وجارحنك تحريسى ضمنده وقوعبولان مراجعتى
اوزرينه موسى بک طرفندن مخصوص آدملى
کوندريلهرك اجراى تحريات ايتدیرلديکنى و ايکنجى
افاده خلاصهسى دخی استدما مندرجانی وجهله
پدرى مالخاص باصوردن اون بش کون خسته
ياتدقدن صکره اجل موعوديله وفات ايتمش يکن
لمصلحه موشه کندیكى صروده ناحیه لری اهايليسندن
مقداس ولد بابى واغوب ولد ملقون نام شخصلى
پدرينك مقتوليتندن بحثله موسى بک عليهنه اقامه
دعوى ايتشى ايچون کندوسنى تشويق ايتمش اولدقلىرى
و فقط الھدن قورقديغنى جهتهله کيسهده افترا

ايدىميه جکنى مبین اولغله مالخاصك وفات ايتديكى
کچه اوکويده اولوب اولديغنى و مرقوم مالخاصك
جارحنك تحريسى ايچون اوسب طرفندن کندو-
سنه مراجعت ايدلديكى مرقومك شمى قرائت
ايديلان افاده سندن اکلاشلقده اولديغندن بو
مراجعتك نه صورتله وقوعبولديغنى و طرفندن
مالخاصك اوغلى اوسبه تزويج ايدلديكى بيسان
ايديلان قزک نه زمان ونه يولده ویرلديكى متهم
موسى بکدن صورلدقده اردونق قريه سنك اقامت
ايتکده اولديغنى کويه قريتي حسیله اورايه دائماً
کيدرکاور ايسهده مالخاصك كيفيت مجروحيت
و وفاتندن قطعاً معلوماقى اولديغنى و اوسبک دخی
بوندن طولايى کندوسنه مراجعت ايتديکنى
درخاطر ايدىميدیکنى و مالخاصى جرح ايتدکدن
صکره کچه بى اوکويده کچيرمش اولديغنى بيسان
ايدىلکده اولوب حالبوکه اوفعلی ارتکاب ايدن بر
شخصك امنيت ايدرك اوکويده قاله ييلمى مستبعد
بولنديغنى کبی بونلری حکومت مراجعتدن منع
ايدىميه جکى درکار اولديغنى و مرقوم اوسبک
تأهلى ماده سنه کلنجه اوج سنه اول کانون ثانى ويا
شباط ايچنده کندی قريهسى اهايليسندن بر ارمى
نزدينه کلهرک قزىنى اوسبه ويره جکنى بيسان ايله
بو باده کى مطالعه سنى صورمغله کنديسى دخی

مناسب کوردیکى حالده ویرمکده مختار ايدوکنى
سولش و اخيراً ازدواج حصوله کلکله جهميته
کندوسى دخی مدعو بولمش اولديغنى و بوباده
عليهنده اخبار كيفيت ايدن پاپاس افنديلى دخی
اولجه عرض ايتديكى سبیدن طولايى کندوسنه
مغير بولندقلى و مقدما عليهنده مقامات عاليهده
تقديم ايديلان مضابطده بونلرک دخی مهرلری
بولنديغنى جهتهله افاده لری شایان اعتبار اوله ميه -
جغنى و بونلردن درتمت افندی ارده يوزالى ايکيوز
خطوه مسافه اولديغنى وهوا ايسه دومانلى
بولنديغنى حالده مالخاصى تشخيص ايتديکنى
سولیکده اولوب حالبوکه شو صورته برادىک
تشخيص ايديله ييلمى مغير عقل و حکمت
بولنديغندن بو حال افادات واقعه نك ماهيتنى ميدانه
قويقمده ايدوکنى افاده ايدلى مدعى شخصيلردن
قاش خاتون ترکجه ييلديكى جهتهله اصولی دائره سنده
تحليقى اجرا قلنان و کچن محاکمه ده شاهدلر
ترچانلق ايتمش اولان اوخانس واسطه سيله
استجواب اولندقده زوى مالخاص صباحلین
خانه سندن چيقه رقى اقشام اوزرى مجروح
اولديغنى و کوبيلسارک صرتهنده بولنديغنى حالده
کتورلدیکنى ولدى السؤال مرقوم افاده ده غير
مقدر اوله رقى خانه ده ورودندن صکره وفات

ايتمش اولديغنى و وفاتنى کيسه ده معلومات و برميوب
فرداسى موسى بک پاپاسلری کتوره رىک متوفى
مالخاصى دفن ايتدیرمش و اخبار ماده ايدلامسى
ايچون دخی کندولرى تهديد ايتمش اولديغنى و موسى
بک کلدیکى زمان خانه لرىک دروننه کيرميوب
قيو اوکنده طوموش ايدوکنى و ديگر مدعى
شخصى قريه بت دخی متهم موسى بک کندولرىک
کياه و سارهنى احراق ايتمش اولديغنى کبی
خانه لرىک ديوارىنى دله رىک اشيارىنى سرقت
ايتمش و اخيراً دخی کندوسيله پدرىنى باغليه رقى
صورت جبريه ده بکرمى ليراسنى المش اولديغنى
بيان ايتدکلى صروده ساعت اونبره تقرب ايتمش
اولديغندن اکال محاکمه ماه مزبورک اون سکرنجى
چمه ايرنى کوننه بالتعليق طرفينه تفهيم
ايدلى .

(دردنجى محاکمه)

يوم معين مذکورده متهم موسى بک قانون
دائره سنده توقيفخاندن کتورديله رىک طرفين کما
فى السابق حاضر بولندقلى حالده اجراى محاکمه ده
دوام ايديله رىک تحقيقا نك بوندن عبارت ايدوکی
جانب رياستدن بيان اولندقده مدعى عمومى مومى اليه
حالدک افندی کلامه ايتدارايه (افاداتک عيناً مندرجانی)

معلومه مدرکه مدعی عومیلر حقوق عمومیه واحکام
قانونیه نك محافظه سنده مأموردر نقطه عدالت
وصول دخی هر حالده احکام قانونیه نك حسن
جریانیه حصول بوله جفی غیر مستورددر چونکه
قانون تحری عدالت آلت و عدالت ایسه مطلع
حقیقتدن طلوع ظهور و عمومی مستغرق سرور
ایدر بر مهر میر سعادتدر شو حالده شمس تابان
عدالتدن اخذ اتوار افق حقیقه عطف انظار ایله
حاصل اوله جفی درکاردر احتمالدرکه دقایق قانونیه
وافق اولیسانلر مدعی عمومی به قانونك تودیع
ایلدیکی وظائف مهمه بی تقدیر ایده مزورده مدعی
عمومینك وظیفه سنی حضور محکمه به کتوریلان
بر مظنون و یا متهمك مطلقا علیهنده اداره لسا
ندن عبارت اولدیی فکرنده بولنه بیلورلر حاله
مدعی عومیلرک وظیفه سی بویه محدود دکدر
مدعی عومیلر مادی دعوا جیلره مقیس اوله مزور
برمدعی شخصی کفدوسی متضرر عد ابتدیکی
ماده دن طولای اقامه دعوی ایدر حقلی حقسر
اودعواسنی تویر ایده جک اسبابه توسل ایله
نهایت قدر تعقیب ایلر حقلی اولوبده استیغای حق
ایله جک نتیجه موافق اولدیی حالده بمنون
و حقسر اولوبده نتیجه سی منفعت مطلوبه سنده

یوقسه یالکز باشلا دقلمی دعوائی صورت غیر
محمده تویر نه قانوناً ونه ده وجداناً هیچ بر مجبور
یتلری یوقدر وظیفه لری احکام قانونیه ایله
معیندر لکن اظهار حقایق ایچون خط و حرکتلری
تحدید ایده جک رشی اولدیی بدیهدر مدعی عومیلر
قانوناً جرم اطلاق اولور بر ماده مدعی شخصی بی
مشارکتله تعقیب دعوی ایدر فقط او دعوانك
بطلانی کوررایسه نتیجه مدعاسنی اکا کوره بیان
ایلر مدعی عومیلر اقامه ایده جکری هر دهواده
حقلی اوله مزور چونکه قانوناً تحری جرائمه
مأمور و بنابرین جرمی تشکیل ایده جک بر فعل
خبر ویریلنجده اقامه دعوی و تعقیب نتایج
مجبوردرلر دعوی ذاتلرینه مائل اولدیی ایچون ماهیتنی
وهله بیه مزور تدقیقات ایله انهام واندن صکره
مطالع لری حاکمه عرض وافهام ایدرلر یوقسه
هر تعقیب ایتدکری دعوائی باشلا دقلمی نقطه دن
توریه و باطل اولدیی بیلدکری حالده بطلانی
تستیره چالشمق قیدیه مقید اوللری غیر قابلدر
زیر ایا صورته حقوق عمومیه محافظه سی مستحیلدر
بر مظنون و یا متهمك حق دخی حقوق عمومیه نك
داخلنده در حق قانون مدعی عومیلری محکوم
ایدیه جک متهم ایچون نقص حکمی استماعیه
مأذون ایدیورده تبریه ایدیلان بر متهمك براث

حکمی اخلاص طلبنه مساع کوسرتیور بر متهم مابه الانهای
اولان جرمی ایشله مش ایسه جزای مایلیقنی کورر
امشالیده ترهیب ایدلش و بوندن طولای عموم
مستفید اولش اولور لکن بر یکنه انهام اولنورده
اتهامنك مستند اولدیی اسباب ثبوتیه تدقیق
اولنورده محکوم و بوسورتله مظلوم اولور ایسه
بونك حقوق عمومیه تاثیر زیاده در بنابرین
مظنون و متهمك محافظه حقوقیه مدعی عومیلر
اوزرینه الزم و حقوق عمومیه مدعی مدعی مدعی
شخصیلر کی حرکتنی بر نقطه حصر و تخصیص
ایده میله جکی غیر مجبور خلاصه کلام مدعی
عمومینك وظیفه سی مهم و تحری حقابقه اقدام
مدعی عومیلره غایت لازمدر بوکا منیدر که
هر ایشده هر زمان احکام قانونیه دائره سنده
تحری حقائق ایله اشتغال ایدیکمز کی بو محاکمه
دخی عدالت خدمت وظائف مقدسه سنی اجرا
ایچون شاهدلرک دائره استنطاقده وقوعیلان
اخبارلرنده کی مبیانتك حلی ضمنند لازم کلان
تدقیقاتک ایفا سنده دقت ایدلشیدی بوسرده
دها بر خیل مبیانتات تصادف اولمشدرکه مضبوطم
اولان مبیانتاتی برر برر هیئت حاکمه نك نظر
دقلمینه عرض ایله اصول محاکمات جزایه قانونك
ایکیوز سکسان برنجی ماده سنده توفیق معامله

اولئسنی طلب و دعوی و وظیفه سی توجه ایتدی
ابتدا حریق ماده سنه شهادت ایدن بغوص ولد
بدیان ایله اغوب ولد پاره نك كرك دائره
استنطاقده ورك ك محكمه ده وقوعولان شهادت
تدریجی مبیانی صره سیله بیان ایدم جكم دائره
استنطاقده بغوص حریقك اوج سنه مقدم تموزك
یكرمی دردنجی پنجشنبه کیجه بی ساعت بش
راده لرده مغردیچك خرمائندن ظهور ایتدیكنی
کوروب كیدرك مغردیچك اوت یغیرلرینه یالکز
موسی بك النده کی ینار شمه ایله آتش و یرمكه
اولدیغنی کوردیكنده موسی بك مغردیچك مغازه
سیله اوتلرینه و خرمائنه آتش و یریور دیه باغیر
مسیمه کویلیلر كلوب موسی بك هوایه رقاچ
تفنگ آتهرق صاوشدقزینی سولیش ایکن اغوب
اوج سنه مقدم بر کیجه ساعت اوج یچق درت
راده لرده بر دومان ظهورینی کوروب باقدیغنده
موسی بك و عمر بك اللرنده ینار شمه لر اولدیغنی
حاله مغردیچك باباسنك اوتلرینی طوتشدر دقزینی
کوروب یانغین وار کایکز دیه سسلیمیه کویلیلر
كلوب انلرده چكلكلرینی بیان ایتش و بوصورته
هر ایکی شاهد زمان و کیفیت وقعجه یکدیگرینه
مباین افاده لرده بولنش و بغوص بوفعل احراق
یالکز کندوسی کوردیكنی سولیدیکی حاله اغوب

بغوص کندوسی اغوبی ابتدا کیتدیکی حریق محله ده
کورمدیكنی سولیشیکن مرقوم اغوب کندوسی
بغوصی اوراده کوروب حتی قوتشدقزینی و برابر
باغیر دقزینی سولیشدر اغوب كرك دائره استنطاقده
و كرك حضور محكمه ده بغوصك موقع حریق
کندوسندن اول کیتدیكنی و بغوص ایسه کیتدیکی
آنده موسی بك مغردیچك مغازه و اوتلرینه و خرمائنه
آتش و یریور دیه باغیر دیغنی سولیش ایکن اغوب
ائشای محاکمه بغوصله برابر یالکز هورا دیه
باغیر دقزینی بیان ایتشدر که بو باده کی افاده لریده
هم دائره استنطاقده کی سوزلرینه و همده یکدیگر
نك بیاناته مبایندر مادامکه بغوص محل حریق
اغوب دن اول کیتش و مرقوم بغوص کندوسی
کیدوب باغیر دیغنده موسی بك وعونه سنك
صاوشدقزینی بیان ایتشدر شو حاله اغوب
کلدیکنده موسی بك ایله عونه سنك کیتش و ینار
شمه ایله اوتلری طوتشدر مرق زمان کیچمش
اوله جغی و ینا برین اغوبك موسی بکی النده کی
شمه لی کبریت ایله اوت طوتشدر ایکن کوروسی
قابل اوله میه جغی درکار اولدیغنی حاله اغوبك
بوصورتله رؤیت کیفیت ایتدیكنی سولیمی محتاج
تدقیق اولوب بوباده اولنان استیضاحده جواب
ویره ماشدر بغوص کویلیلر کلدکن صکره موسی

سنه اول وقوهنك ادما ايدلديكي اشعارات محليه
ايلاه ثابت ايكن اوچ سنه مقدم وقوعبولديغنى
سويللىرى و اوچ سنه دنبرو استانبولده اولوب بو
مدت ظرفنده مملكتنه كيتديكنى بيان ايدن مغرديجك
اوصره ده دخى تليسه بولنديغنى پيا و اوخانس وقتيله
موش حكومتنه بلراجمه موسى بكك و ياخودا قرياسندن
سليمان بكك تحريكلى اثريله علف و صمانلغنىك
احراق اولنديغنى ادما فقط اثبات مدعا به مقتدر
اولنديغنى انبا ايتش ايكن اغوب وقعه دن درت
بش كور صكره و بغوص او كچه حريقك موسى
بك طرفدن ايضاع اولنديغنى كوردكارىنى اوخانس
سويلش اولدقلىنى درميان ايللى قابل تاليف
اوليان احوالندر ديوار دلهرك سرفت وقوعنه
شهادت ايدن اوخانس ولد مختار و بغوص ولد
وارطانه كلجه بولنده استنطاقنامه ده مضبوط
اولان افاده لرينه نظراً اوخانس ايكي بچق سنه
اول قاسم وقتى بر كچه ساعت درت بچق راده -
لرنده موسى بكك رفقاسيله برابر مغرديجك اوينك
ديوارىنى دلوب ايجرويه كيرهرك يناق و چاه شوى
واشاي سائر سنى اخذ ايله كوتوردكارىنى و
ديوارى دلهرك موسى بك ايله انشته سى عمر بك
و مراد اولوب ديوارى دلهرك ايجرويه كيردكارىنى
سويلد كند صكره بو افاده سنه ميان اولهرق موسى

بكك باجاده طور مقده ايدوكنى وابتدا وقعه نك
قاسم وقتى اولديغنى سويلديكى حالده صكره كى
افاده سنده قاسم دن اول و يا صكره اولديغنى
تليديكى سويلش و ديوارك اون دقيقه بر چاريك
قدر زمانده دكنكر ايله دلنديكى بيان ايدرك
سوخرا دخى مذ كورد ديوارك طاشدن و برارشون
قالينلغنده ايدوكنى وابتدا بر غلبه لك كوروب
كيت سنى يقارز ديملى اوزرينه خانه سنه عودت
ايدلديكى واك اول دليكن عمر بك كوروب صكره
مراد كيرديكى و چيقار ايكن دخى ابتدا اشيا ايله
عمر بك چيقوب صكره مراد چيقديغنى افاده ايتش
واويله بر آر شون قالينلغنده كى طاش ديوارك
دكنكر ايله اون اون بش دقيقه ده دلنه ميه جكى
وايكى بوز خطوه مسافه دن اول كيمك
كوروب چيقديغنى واحوال سائر سنى كورمك
قابل اوله ميه جغى جهته له بو باده كى افاده لرى
دخى شايدان تدقيق كورلمشيدى بغوص ايسه عمر
بكك طامى دلكده اولديغنى وهونه سندن بر قاچنك
طامدن ايجرو كيرديكى سويلد كند صكره طامك
بر آدم بويى بوكسكل كنده كى بر كوشه سندن دلهرك
اشياى اورادن چيقاردقلىنى و بر آدم بويى
بوكسكل كنده كى دليكن فصل اشيا چيقاردلديغنى
صورلمى اوزرينه برآم بويى قدر اولوب بويينه

اعلان

اطه پازارى قضاسنه تابع صبا نجه ناحيه سنك
جامع چديد محله سندن و غازى نوجى طاقندن حلبلى
اوغلى مستقنك طازى نو سنك ديوارىنى دلهرك
دروندن معلوم المقدار نقود و اشيا سنى اخذ و
سرقه اشتراكى ادما اولمى سندن طولايى مظنون
عليه اولوب وادى فرارده بولنان مذكور
صبا نجه ناحيه سنك شمدوفر عمله سندن اولوب
ذكر اولنان غازى بنوده بيتوت ايدن قره كوز
ويقلى واورته بويلى بلغار اندون نام كسنيه
بوكره طرف رياستدن مجدداً تاريخ اعلاندن اعتباراً
اون كون مهل و يرلش اولديغندن اشبو مدت
ظرفنده يته اثبات وجود ايتديكى صورتده اصول
محاكات جزاييه قانون موقتك باب رابعه نك فصل
ثابته سنده محرر مواد احكامنه توفيقاً محاكمه سنك
غيباً رويت ايديله جكى و اموالنك دخى حيز
ايديله جكى و مرقومك بولنديغى محلى بيلانلر خبر
و يرمكه و بالجله ضابطه عدليه مأمورلر سنك
مرقومى در دست ايتكه مجبور اولدقلى اعلان
اولنور .

في ۹ تشرين ثانى سنه ۳۰۵

قدر اولديغندن و دليكنه بوك آچيلديغندن اشيا نك
اورادن چيقاردلديغنى بيان ايتش و اوخانس اشيا
دليكن چيقاردقندن صكره موسى بكك ماعداسى
اشياى الوب كيتدكارىنى سويلديكى حالده بغوص
اشياى بوكلوب چله سى برابر كيتدكارىنى افاده ايتش
واو خانس وقعه بى يالكز كندوسى كوروب سنى
يقارز ديملى صاوشوب اوينه كيتديكى و كيميه
خبر و يرمديكى سويلش ايكن بغوص اوخانس ايله
برابر مغرديجك اوطه سندن چيقوب كوردكارىنى
و مغرديجك خانه سنده بولنان قاديلى سويلدكارىنى
و بر افاده سنده دخى موسى بك سس چيقارمه
بقارم ديديكى ايجون قورقوسندن بر كوشه يه
چكلوب طورديغنى بيان ايتشيدى دائرة
استنطاقده كى شو مبانىات عتيده نك حلى
ايجون اجراى تحقيقات اولنديغنى صره ده يالكز
دكنكر ك اوجلرنده تيمور بولنديغى و ديوار طاشدن
معمول ايسه ده كيرچلى اولوب چامورلى ايدوكى
بيان اولنش و ديكر مبانىاتلر حلى قابل اوله -
مدقندن بشقه حضور محكمه ده كى شهادتلرنده
دخى بر طاق مبانىات ظهور ايتشدر
مابعدى وار

کیوه قضاسنه تابع قورت بلن قریه سندن
یدک اوغلی هاجی قره تک لیل خان سنک دیوارینی
دلوب اشیا و طاقم التونلرینی سرقه ایتدکاری
ادماسیله متهم قریه مذکورلی قواص اوغلی
وارطانک رفیق اولوب بعدالاستنطاق فرار ایدن
قریه مذکورلی اورتیه بوبلی شیشمانجه اسمر بکزیلی
سیاه بیتلی تخمیناً اوتوز یاشلرنده بغده صار اوغلی
اوخانس نام کسنه به بوکره طرف ریاسندن مجدداً
اون کون مهل ویرلش اولدیغندن اشبو مدت
ظرفنده ینه اثبات وجود ایتدیکی صورتده اصول
محاکات جزائیة قانون موقتک باب رابعنک فصل
ثانیسنده محرر مواد حکمنه توفیقاً محاکمه سنک
غیاباً رؤیت ایدیلجهکی و اموالنک دخی حجز
ایدیلجهکی و مرقومک بولندیغی محلی بیلنلر خبر
ویرمهک و بالجملة ضابطه عدلیه مأمورلری مرقومی
در دست ایتکه مجبور اولدقلر بنی مبین اعلاندر .

فی ۱۸ تشرین ثانی سنه ۳۰۵

خرستو طایچلشته ورنه سنک متوفی بغچوان
اوغلی دیمترکی ورته سی زوجه سی متوفاه ایتقه
قادرین ایله مخدومی یورغای ذملرنده در سعادت
ایکنجی حقوق محکمه سندن صادر اولوب درجات

محاکدن کچهرک حکم قطعی کب ایدن فی ۱۸
مارت سنه ۲۸۸ تاریخی ودرت نومرولی اعلام
موجبجه محکوم به الاجقزی بولسان یدی یوز
اوتوز بریک یوز قرق طقوز غروشک مع فائض
و مصارف تأمین استیفاسی ضمنده تحت حجزه
النان و الیوم مورثلری متوفای مرقوم دیمتر کینک
عهده سنده مقید اولوب مدیونلردن یورغای به
انتقالی لازم کلانک اوغلنده اصمعلی مسجد محله سنده
جاده کبیرده ایکی یوز التمش سکر نومرولی فرون
و مذکور فرون اتصالده واقع طقوزا و طه و بر مطبخ
و ایکی ابدستخانه بی مشتمل ایکی یوز التمش نومرولی خانه
کد کله حسین اغا محله سنده بیوک جاده ده طقسان بش
و طقسان طقوز نومرولی دکانلرک و محله مذکوره ده
کائن سکر اوطه و بر مطبخ و بر ابدستخانه بی شامل
طقسان یدی نومرولی خانه نک و کاتب مصطفی
چلبی محله سنده بیوک پرمق قپوز قاغنده سکر
اوطه و بر مطبخ و اوج ابدستخانه بی مشتمل ایکی
نومرولی خانه نک خیس حصه لریله متوفیه مزبور
ایقه قادرین عهده سنده اولوب مدیون مرقوم
یورغای به انتقالی ایجاب ایدن بیوک آطه ده بغچوان
اوغلی زقاغنده کائن اون الی اوطه ودرت ابدستخانه
و بر کیلار و بر مطبخ و بر کبیر صهرنج و جهات اربعه
سندن تخمیناً یک بشوز قرق مترو باغچه بی و باغچه
دروننده متعدد حوض و برطولا ب قیوسی و بر
آخور و بر چاشورخانه و بر لیونلر و بر حمام و بر
بغچوان اوطه سنی مشتمل اون نومرولی بر باب

ملک خانه نک کذلک خیس حصه سی تاریخ اعلاندن
اعتباراً اون بش کون صکره بالمزایده فروخت
اولنده جغندن طالب اولنلرک ودها زیاده معلومات
المق ایستیانلرک در سعادت اعلامات نظامیه اجرا
داره سنه مراجعت ایللری اعلان اولنور

فی ۲۵ تشرین ثانی سنه ۳۰۵

دیمتری زوجه سی خریسو قادینک در سعادت
بدایت محکمه سی برنجی حقوق داره سندن ویریلن
فی ۱۵ نیسان سنه ۳۰۵ تاریخی اعلام موجبجه
طوغله بی لوقه ذمتنده الاجغی اولان مبالغ
معلومه نک تأمین استیفاسیچون مدیون مرقومک
تحت تصرفنده اولوب مرهون و فروختی محکوم
بولنان بهاریه ده شاه سلطان محله سنده سحدار
اغا جاده سنده بکرمی درت و بکرمی الی نومرولرله
مرقم تخمیناً یدی یک آرشون و سعتنده و دروننده
اوتوز بشیک طوغله پشورر فرونی و در تیوز
آرشون مقداری اخشاب طوغله محلی و ایکی
عدد بطل قیوسی حاوی بر قطعه طوغله حرمنی
کدیکینک طقسان الی سهم اعتباریله اون درت
ورهن خارجنده اوله رق تحت حجزه النان اوج

بیجی حصه کله جمعاً اون یدی بیجی حصه سی
بولندن اقدام مزایده یه قونیلهرق لیرای عثمانی یوز
غروش حسابیله سکر یک سکر یوز غروشده
طالبی عهده سنده تقرر ایتش اولدیغندن بولندن
زیاده یه یعنی یوزده بش ضمیمه طالب اولنلرک ودها
زیاده معلومات المق ایستیانلرک تاریخ اعلاندن
اعتباراً اوتوز بر کون ظرفنده در سعادت اعلامات
نظامیه اجرا داره سنه مراجعت ایللری اعلان
اولنور .

فی ۱۳ تشرین ثانی سنه ۳۰۵

صغیره ملک خانمک اسپرچی محمد افندی
ذمتنده روم ایلی صدارت علیه سندن ویریلان
فی ۲۹ شعبان سنه ۳۰۵ تاریخی بر قطعه اعلام
شرعی موجبجه الاجغی اولان مبالغ معلومه نک
تأمین استیفاسی ضمنده مدیون مرمی البهک عهده
سند اولوب وفاء مفروغ و فروختی محکوم بولنان
ستانبولده دستکاه جیلر جوارنده حسام بک
محله سنده قوغه جیلر جاده سنده واقع سکر نومرو
ایله مرقم اوقاف متعدد ایله مخلوط فوقانی و تحتانی

سکزاوطه و اوچ صرفه و ایکی کیلار و اوچ کنیف
و بر مطبخ و بر آخور و بر قیو و بر حطب و بر کورلک
و بر اوالتی و بر مالطه لاق و وراسنده مقدار کافی
باغچه و دروننده بر عدد محزنی مشتمل حرم
و سلامتی اوله رقی هر وجهله قوللانیشلی بر باب
خانه مع باغچه نیک نصف حصه شایعه سی اشبو
تاریخ اعلاندن اعتباراً اون بش کون صکره
بالمزاید فروخته نشبث اولنه جفتدن طالب اوللرک
پی سورمک و بوندن دهها زیاده معلومات المی
ایستیانلرک مدت مذکور ختامندن صکره
درس عادت اعلامات شرعیله اجرا دائره سنه
مراجعت ایللری .

فی ۲۵ تشرین ثانی سنه ۳۰۵

شیله قضا سنه تابع طاریاق قریه سنده بولنان
اورمانی احراق ایلدیکی ادعا اولمسنندن طولانی
مظنون علیه اولان تبعه دولت علیه نیک روم
ملتندن و یکی کوی اشاغی محله سنده مقیم تکیه

قریه سنده امین افانک چوبانلرندن اوزونجه بوبلی
قریه بقلی قره کوز و قاش و صاچلی سیوری چکه لی
اسمر بکزی اوتوز یاشنده چوبان یوان اندون
ولد خرسنتو حقنده اوراق تحقیقیله ده درمیان
اولنان دلائل و اخبارات اتهامه درجه کفایه ده
کورلمش و حرکتی قانون جزانک یوز التمش دردنجی
ماده می حکمی مستلزم افعال جنایه دن بولنش
ایدو کندن اصول محاکات جزایه قانوننیک باب
رابعنک فصل نایسنده محرر مواد احکامنه توفیقاً
غیباً محکمه جنایتده محاکمه می اجرا اولتیق
اوزره اولوجهله جنایتله اتهامه قرار ویرلد
یکندن متهم مرقوم یوان اندون ولد خرسنتو
هر زده کوریلور ایسه طوتیلوب محکمه مذکور
توقیفخانه سنه تسلیمی بالجمله ضابطه عدلیه مأمور
لرینک معلومی اولتی اوزره اشبو اخذ و گرفت
مذکره می محکمه امتیناف جنحه دائره می زنده
متشکل هیئت اتهامیه دن بانتظیم اعطا قلندی .

فی ۲۰ تشرین ثانی سنه ۳۰۵